



KALAALLIT NUNAATA RADIOA  
INNUTTAASUNUT KIFFARTUUSSINEQ  
PILLUGU NALUNAARUSIAQ  
**2011**



## AALLAQQAASIUT

Innuttaasunik kiffartuussilluni aallakaatitassiorfimmi Kalaallit Nunaata Radioani (KNR) innuttaasunut imarisatigut pitsaanerpaanik tunniussaqaarniartarpugut, tamannali ajornaatsuinnaasanngilaq. Aaqqissuisoqarfinni ataasiakkaani suliassat isumaginissaannut sulisussaqaqrpianngilagut, sulisunillu nutaanik atorfinitsitsiniarneq ajornakusoortuulluni. Oquk pissutigalugu inissakilliorpugut, teknikki annertuumik nutarteriffigineqarnissamik pisariaqartitsivoq, aningaasaqarnerput sukannersuuvoq namminerlu aningaasaativut amigartooruteqarfiullutik.

KNR-ip oqaluttuarisaanerani sipaarniuteqaqnerit ataasiaannartumik pisut annersaanni sulisut arlariit 2011-mi inuulluaqqusariaqarsimavagut. Ingerlatsinermik pitsanngorsaa-niarluta sapinngisarput tamaat sulissuteqartuarpugut, peqatigitillugulu pitsanngoriaatit nutaaliornerillu malunnaatillit takusinnaallutigit.

Sulisuvut sullitavut pitsaanerpaamik sullinniarlugit ilungersorput, sulisullu tamaasa annertuumik suliaqarnerannut qutsavigerusuppakka. Taamatuttaaq innuttaasut aallakaatitassiatsinni apersortikkusussimasut, suleqatigisavut avataaneersut, aningaasaliisut pilerisaaruteqartartullu qutsavigerusuppakka.

KNR-imi isornartorsiunerusumik tusagassiorusukkualuarpugut, tunuliaqtsiinemik aallakaatitassiat itisiliiffiusut amerlanerit suliaralugit, aallakaatitanilu tamani aliikkuser-suinemik pitsaassutsimillu annerusumik tunniussaqaqarusukkualarluta. Qujanartumillu innuttaasunik kiffartuussinermik pitsaasumik tunniussinissamat nukinnik amerlanerun- sunik pisariaqartitsisoqarneranut atitunerusumik paasinnittaaseqariartortoqalerpoq. Tusagassiuutit pillugit nassuiaammi inassuteqaatit malitseqartinnissaat neriutigaara, naalackersuisullu tusagassiuuteqarneq pillugu politikkipaatit pilersaarutit malillugit inatsisartunut 2012-imi ukiakkut saqqummiunneqartussa qilanaaralugu.

Naalackersuisut KNR-illu akornanni anguniagassat pillugit isumaqatigiissut, 2009-mit 2012-imut atuuttoq malillugu KNR innuttaasunik kiffartuussinermi pisussaaffimminik naammassisaqarnerminut takussutiissiisussamik ukiumoortumik nassuiaateqarnissa- minut pisussaaffeqarpoq. Nassuiaammut piumasaqaatit Radiokkut tv-kkullu aallakaatitsisarneq pillugu Inatsisartut peqqussutaanni nr. 6, 14. november 2004-meersumi §

28-mi allaaserineqarput. Matumani nassuiaat tassaavoq KNR-ip piginnittunut nalunaarutaa.

Inussiarnersumik inuulluaqqusillunga,

Ivalo Egede  
KNR-ip pisortaa

*Saqaani asseq: KNR meeqqanut inuusuttunullu imarisatigut suliaqarnerorusuppoq (Assiliisoq: Angu Motzfeldt)*

## 1. UKIOQ 2011 KINGUMUT QIVIARFIGALUGU



*Speakeriutigaluni teknikeriusoq Carl Hendrik Møller (Assiliisoq: Hans Jukku Noahsen)*

### **Kulturi**

Ukioq 2011 tassaavoq innuttaasunik kiffartuussilluni aallakaatitassiorfiup Kalaallit Nunaata Radioata (KNR) Unnuk kulturisiorfimmumut pingajussaanik peqataaffigisaa. Tamatumuuna misilititsivugut, inuusuttut immikkut piginnaanillit radiomi speakeritut imaluunniit TV-mi aallakaatitsivimmi aqutsisutut piginnaasaminnik misiliisinneqarlutik.

Nivissat erinarsoqatigiivisa 'KNR-ip Qupannavaatai' pilersinneqarnerat aallakaatitani piviusulersaarutini marlunni malittarineqarpoq TV-kkullu februaarip qaammataani aallakaatinneqarluni. Erinarsoqatigiit radiokkut immiunneqarneri siulliit Hans Egedep Oqaluffiani februaarip arfineq pingajuani ingerlanneqarput. Immiussinerit kingusinnerusukkat Annaassisitta Oqaluffianut nuunneqarput tassani nipaa pitsaanerummat.

KNR-ip timersornikkut pisut arlariit 2011-mi aallakaatippai. Aallaqqaasiutigalugu 'Timersorneq 2010'-mi kingumut qiviarpugut, taava Faxe Cup 2011 aallakaatipparput, assammik arsararluni GM, sisorarluni GM, badmintonerluni GM, isikkamik arsaannermi GM aamma ujakkaararluni GM. Aammattaaq aallakaatitassiat 'Sisimiut Taekwon-do Klub' aamma 'VM-imut piareersarneq' aallakaatippagut.

KNR-ittaaq nipilersornermik aallakaatitassiat makku 2011-mi aallakaatippai: 'SMS Festival', 'Koda Awards 2011', nipilersortartup Pavia Geislerip ilisaritinneqarnera, Maaseeraq Berthelsenip ilisaritinneqarnera 'MIBB-illu 2011-mi nuna tamakkerlugu katersuiniarnera' toqqaannartumik aallakaatillugu.

2011-mi TV-mi aallakaatitassianik arlariinnik aalajangersimasumik aallakaatitsisarpugut. Ilaatigut 'Akisunneq', 'Inngerut', 'Kulturi', 'Saqqaarpaa', 'Sinerissamit' aamma 'RecMode Magazin'.

### **Teknikki**

Returkæditoq, illoqarfinit allanit ilanngutassianik nassiussinnermut atorneqarsimasooq januaarip sisamaani 2011-mi atorunnaarpoq, kingornalu KNR illoqarfinit allanit Nuummumut streamboxit digitaliusut atorlugit KNR-imi MPLS-imik attaveqaat 9 Mb atorlugu nassiussisoqartalerluni. Isiginnaartartuvulli assit nipillu kipsisarnerinik suli misigisaqartarput, ilaannikkullu assitaata pitsaassusaa aamma pitsaavallaartarani.

KNR aamma Inatsisartut ataatsimiinnerinit DVB-T kanaalikkut KNR2-kkut 2011-mi toqqaannartumik aallakaatitsisalerpoq. Aallakaatitsineq Inatsisartut namminerisamik TV-anneersuuvoq, KNR-ip aallakaatitsineq lyslederkabelikkoortillugu tigoorartarpaa, tassangaanniillu aallakaatitsineq streambox atorlugu Tele Greenlandimut ingerlateqqinneqartarluni.

### **Inissakilliorneq**

KNR-ip illutaa qulimiguulinnut inissiisarfittut sanaajuvoq. Ukiuni kingullerni illup ilaani arlalinni oquk pilersimavoq taassumalu ilaa piiarneqarsimalluni. Illu allaffeqarfitoqqaq annaanneqarsinnaasimangilaq, sulisullu arfineq marluk aqqissuisoqarfinnut allanut nuuttariaqarsimapput sulisullu allat sisamat containerinut allaffinngortinneqarsimasunut KNR-ip tunuanut inissinneqarsimasunut nuunneqarsimallutik. Allaffeqarfitoqqaq matuneqarpoq, oqullu illup sinneranut siaruatsaaliolugu maannamut suli silaannarissarneqarluni.

Radiohusitoqqami oquk, arlaleriarluni misiliisoqaraluartoq, aamma akiorniarneqarsinnaasimangilaq, toqqorsivimmilu diskotekimilu sulisut tallimat, tassani allaffeqartut, KNR-ip illorsuanut aamma nuuttariaqarsimallutik.



*Piorsaavimmi pisortaq Niels Pavia Lyngø TV-milu aallakaatitassiornermut pisortaq Jan Bergip Klaus Nielsenilu ataatsimeeqatigiipput Kalaallit Nunaanni Timersoqatigiit Kattuffiata KNR-illu qaninnerusumik suleqatigiinnissaat qulakkeerniarlugu (Assiliisoq: Hans Jukku Noahsen)*

### **Tusagassiuutinik allanik suleqateqarneq**

Issittormiut Siunnersuisoqatigiivisa Katuami maajip 12-iani 2011-mi ataatsimiinneranni BBC-p TV-kkut aallakaatitassiornerani KNR teknikkikkut ikiuppoq. Immiussinerit Hans Lyngep Inersuaani ingerlanneqarput. KNR angissutsimi pisoqqami 4:3-mi immiussivoq, BBC-llu aallakaatitassiaq kingorna 16:9-nngortippaa.

Jan Gintberg juuni naalersoq Nuummut tikippoq TV-kkut aallakaatitassiaq nuannarineqarluartoq 'Gintberg isorliunerusuni' aallakaatitassiariorlugu. Aliikkusersuinertaa katersortarfimmi immiunneqarpoq, KNR-illu DR-imut atortorissaarutinik atukkiussaqarpoq TV-milu assiliisoq KNR-imeersoq immiussinernut peqataalluni.

Ilaqutariit kunnigikkormiut Nunatsinnut tikeraarnertik Siorapalummi aallarnerpaat. Kunnigikkormiut Upernavimmi kungip umiarsuaanut ikipput, tassanngaanniillu Nuummut ingerlaqqissinnarlutik timmisartumik kujammut ingerlaqqillutik.

KNR TV-p KODA Awards toqqaannartumik aallakaatippaa, nipaali pitsaanngilaq. Meeqqat Inuunerissut / BedreBørneliv Nuna tamakkerlugu katersuiniarnerat ukioq taanna kingusinnerusukkut aallakaatinneqarmat ingerlalluarpoq.



*Aallakaatitassiorq Mike Hammeken Katuami (Assiliisoq: Hans Jukku Noahsen)*

### **Isumaqatigiissut nutaaq**

Tusagassiuutit kattuffiat TP pisortallu nutaamik isumaqatigiissusiorput, tamatumalu malitsigisaanik teknikerit tunngaviusumik akissarsiaat tusagassiorput akissarsiaattut qaffasitsigilerlutik. Tamatuma malitsigisaanik sulisut tamarmik, aallakaatitassiorput (siornatigut teknikerinik taaneqartartut) aamma ilanngullugit, nutserisut tusagassiorput aqqissuisoqarfinni katersorneqarput, sulinermi tamarmik peqataasinnaalersillugit taamaaliornikkullu akisussaaqataanerulersillugit.

### **Aallakaatittakkat nutaat**

Isiginnaartartut amerlanerpaanissaat qulakkeerniarlugu KNR TV-p piffissat aallakaatitsisarfini allangortippai. Ukiaanerani TV-mi unnukut aallakaatit imma isikkoqalerput:

- 18.00 TV Aviisi timersornerlu DR1-imeersoq
- 19.00 Qanorooq danskisut ataatigut allagartalersugaanngitsoq
- 19.20 Tamassa
- 19.40 Aallakaatitassiat kalaallisut oqaasertallit, nammineq aallakaatitassiat allallu aallakaatitassiat

20.00 Qanorooq danskisut ataatigut allagartalersugaq

21.00 TV aviisi DR1-imeersaq

Radiomik naalaartartut immikkut isiginarlugit radioaviisi danskisoortoq minutsinik 15-inik siuartinneqarpoq aalajangersimasumillu nal. 18:45 aallakaatinneqartalerluni, radioaviisip kalaallisuup kinguninnguanut.



*Radioaviisimi aaqqissuisoq Mads Fisker tusagassiortorlu Ludvig Siegstad (Assiliisoq: Hans Jukku Noahsen)*

### **Aatsitassat**

KNR TV 'Kalaallit Nunaanni aatsitassat' sammisaralugit aallakaatitassianik oqalliffiusunik marlunnik suliaqarpoq. Siulleq qulequtaqarpoq: 'Kalaallit Nunaat aluminiumimik sulini-ummut peqataassava?', Katuamiillu toqqaannartumik aallakaatitsivugut. Aallakaatitas-siap aappaa uranimik piiaanermut tunngassuteqarpoq.

KNR TV Alcoa pillugu aallakaatitassiat pingasut Inga Dora G. Markussenimit InukMedia-millu Namminersorlutik Oqartussat sinnerlugit suliarineqartut novembarip qaammataani aallakaatippai. KNR-ittaaq islandimiut aallakaatitassiaat 'Dreamland' aallakaatippaa, ta-marmillu toqqaannartumik oqallinnermik naggaserneqarlutik, Tele Greenlandip ata-at-simeersuarterfianit toqqaannartumik aallakaatinneqarluni. KNR-ip tunuliaqutsiinermik aallakaatitassiat taakku pingasunik nammineerluni suliarerusussimagaluarpai. KNR



itisileraluni aallaakaatitassiornissaminut aningaasassaqaanngilaq, suliassarlu nammineerluni suliarerusussimagaluarlugu, kisimiilluni imaluunniit allat peqatigalugit. Peqatigitillugu KNR-ip assinik toqqorsivia aatsitassarsiornermut tunngasunik nutarterneqarsinnaasimassagaluarpoq.

### **Folketingimut qinersineq**

Sisamangornermi septembarip 15-iani Folketingimut qinersisoqarpoq. KNR-ip qineqqusaarneq aallakaatitani kalaallisuuni danskisoortunilu arlalinni aallakaatitassiaraa, unnullu qinersiffiusoq ileqqusoq malillugu partiit siuttuinik apersugaqarluni naggaserneqarluni.

### **Tusagassiuutinut politikki**

Tusagassiuutit pillugit suleqatigiissitap, nassuiaamminik 2010-p ukiaani tunniussaqaqtup, nassuiaatini naalackersuisumut Mimi Karlsenimut ataasinngornermi marsip 7-iani 2011-mi tunniuppa. Mimi Karlsenip oqaatigaa Naalackersuisut tusagassiuutinut politikkia Inatsisartut 2011-mi ukiakkut ataatsimiinneranni saqqummiunniaraat. (Aaqq.: Tusagassiuutinut politikki maanna 2012-imi ukiakkut saqqummiunneqarnissaa naatsorsuutigineqarpoq).

### **Inuk malunnaatilik peeruppoq**

Radiofonichefiusimasoq Peter Frederik Rosing marsip 24-iani 2011 70-inik ukioqarluni toquvoq. Peter Frederik Rosing toqunissi tikivillugu KNR sullippaa. Ilaatigut tusagassior-tutta kalaallit oqaasiinik eqqortumik atuinissaannik ilinniartillugit.



*Aallakaatitassiortoq Riel Th. Høegh Qanoruup immiunneqarnerani (Assiliisoq: Hans Jukku Noahsen)*

### **Nipilersukkanik nutaamik aallakaatittagaqalerneq**

KNR 2011-mi radiomi nipilersukkanik aallakaatitsisarneq nammineq ingerlasussanngorlugu eqqussivoq. Nipilersukkat, aallakaatitakkat aalajangersimasut akornanni appisi-maarneqartartut, 'playlistit' arlariit, diskotekimi sulisup suliarisartagai, tunngavigalugit digitaliusumik aallakaatinneqartarput. KNR Radiomi nipilersukkat 1970-ikkuni, 80-ikkunni, 90-ikkunni 0-ikkunnilu nuannarineqarnerpaanik imaqarput, nuannarineqarnerpaanik nutaajunerpaanik ilallugit. Nipilersukkat tassaapput poppi rockilu oqitsoq, nipilersukkallu appittakkatta 40 %-ii kalaallisujullutik.



*Sæsoni naakkaluartooq sisorartarfimmi ulloq sisorarfik angumeraarput (Assiliisoq: Nauja Brøns)*

### **Siulersuisut nutaat**

Ukioq 2011 KNR-ip nutaanik siulersuisortaarneranik, piffissamut 2012-imit 2015-imut toqqarneqartunik, naggaserneqarpoq. KNR-ip siulersuisoriligai tassaapput:

Hans Peter Poulsen, siulittaasoq, Naalackersuisunit inassutigineqartoq  
Ludvig Emil Lyberth, Naalackersuisunit inassutigineqartoq  
Jens Klaus Lennert, STTK-mit inassutigineqartoq  
Thora H. Nielsen, TI-mit inassutigineqartoq  
Karl Davidsen, KANUKOKA-mit inassutigineqartoq  
Leif Immanuelson, EPI-mit inassutigineqartoq  
Henriette Rasmussen, KNR-imi sulisunit inassutigineqartoq.

Henriette Rasmussen kisiartaalluni siulersuisuusimasuneersuuvoq, aammalu siulersuisunngortuni ingerlaqqilluni.

## 2. SIAMMARTERINEQ

KNR innuttaasunik kiffartuussinermik suliaqarnini radio, tv, tekst tv internettilu atorlugit imatut siammarterisarpoq:

Nalunaarsuiffik 1. TV-kkut, radiokkut, nittartakkatigut, Facebookikkut tekst TV-kkullu 2011-mi siammarterineq	
<b>TV</b>	KNR1 aamma KNR2 DVB-T-kkut siammarterneqarpoq, radiokædikkut aammalu qaammataasakkut.
<b>Radio</b>	KNR radio FM-ikkut siammarterneqarpoq; Frequence Modulation radiokædikkut qaammataasakkut kiisalu DVB-T-kkut.  Kortbølgemik nassitsissut frekvensimi 3815 kHz Tunumi aalisariutinut avataasiortunut.
<b>Nittartagaq</b>	KNR-ip nittartagaa KNR.gl
<b>Tusagassiuutit susassareqatigiiffiusut</b>	Facebook: facebook.com/KNRnutaarsiassat (2.500+ followers), facebook.com/KNRtamassa (240+ followers) Twitter: twitter.com/nutaarsiassat (100+ followers) CoveritLive KNR.gl-imi (atuartartut 1.500+)
<b>Tekst-tv</b>	KNR1-imi KNR2-milu Tekst-tv-mi paasissutissat

### 3. ANINGAASATIGUT KILLILIUSSAT

KNR-imut 2011-mi aningaasaliissutit nalunaarsuiffimmi 2-mi ataaniittumi allassimapput, kisitsisillu ukiumi isertitat aningaasartuutillu 2011-imut anguniagassatut isumaqatigiis-summi kisitsisinut naleqqiunneqarlutik.

Naatsorsuuserinermi ileqqunut ukiumoortumik naatsorsuutini atorineqartunut naleqqiul-lugu aningaasaatinit tiguisinnaanermut naafferarluni akiliutit 1,0 mio. kr.-iusut ingerlat-sinermut aningaasartuutit allat ataanni allassimasunut ilanngunneqarsimapput.

Isertitat appasinnerusut pitsanngorsaananermut atatillugu akissarsianut aningaasartuutit qaffasinnerunerinut pilerisaarutinillu isertitat nikinganerinut pingaarnerusumik peqquteqarput.

<b>Nalunaarsuiffik 2. 2011-mi isertitat aningaasartuutillu tusinde kr.-inngorlugit</b>			
	<b>Piviusunngortitat</b>	<b>Anguniagassatut isumaqatigiissut</b>	<b>Nikingassut</b>
<b>Isertitat</b>			
Nunatta karsianit aningaasaliissutit	61.175	60.600	515
Isertitat allat	4.649	7.000	-2.351
<b>Isertitat katillugit</b>	<b>65.824</b>	<b>67.600</b>	<b>-1.776</b>
<b>Aningaasartuutit</b>			
Akissarsianut, avataanersunut akissarsiat ilanngunnagit	46.191	48.000	1.809
Ilinniaqqinnerit ilinniakkamillu nangitsinerit	351	700	-349
Ingerlatsinermut aningaasartuutit allat aningaasaqarnikkut aningaasartuutit ilanngullugit	21.190	23.600	2.410
<b>Aningaasartuutit allat</b>	<b>67.732</b>	<b>67.000</b>	<b>732</b>
Aningaasaliissutinit akissarsianut atorneqartut %-inngorlugit	75,5	70,4	79,2

KNR-ip aningaasanik atorsinnaasai amerliartuinnartutut isikkoqaralarput. Kisianni taamaanngilaq, soorlu nalunaarsuiffimmi ataani takuneqarsinnaasoq.

**Nalunaarsuiffik 3. KNR-ip ukiuni 2009-2011-imi aningaasatigut atorsinnaasai tusinde kr.-inngorlugit**

	2009	2010	2011
<b>AIS</b>	59.873	59.885	61.986
AIS-imi allannguut		-254	-404
AI	59.873	59.631	61.582
Missingersuutini allannguutit negativiusut		-209	-407
Ukiumoortumik aningaasaliissutit tamakkerlugit	59.873	59.422	61.175
Kontributionimut tapiissutit		+/-400	-1.450
	59.873	59.422	59.725
Akinik malinnaasitsineq 2008=100	104,5	107,2	109,6
Akinik malinnaasitsinerup kingorna 2009-mut tapiissutit tapiissutaasuviillu assigiinngissutaat		-1.998	-3.070
Ingerlatsinermut tapiissutit ikilineri (utaqqiisaasumik inissiat)		1.800	1.800
Ilanngaattissat peereerlugit assigiinngissutaasoq		198	1.270


KNR-ip ukiuni 2009 -2011-mi aningaasaqarnera aamma allatigut sunnigaasimavoq. KNR sullissiviit Namminersorlutik Oqartussat ataanniittut allat assigalugit 2010-mi 2011-milu utaqqiisaasumik inissianut qitiusumik aningaasanut akiliuteqartarpoq. Tamatuma sania-tigut KNR 2010-mi immikkoortitanut taakkununga akileeqqittariaqarsimavoq, KNR-ilu tamatuma saniatigut utaqqiisaasumik inissianut pequtinillu toqqorsivimmiitsinermut nammineerluni aningaasartuuteqarsimalluni. Sulisut qaangiuttoornermusiassaqaartin-neqarsimapput, taarsigassarsiallu 2007-meersut apparsarniarlugit KNR naafferartumik akiliutinik ernianillu ukiumoortumik 2 mio. kr.-ingajannik akiliuteqartarsimalluni.

**Nalunaarsuiffik 4. Atukkat allat - tusinde kr.-inngorlugit**

	2009	2010	2011
Utaqqiisaasumik inissianut ilassutitut akiliutaasut		670	
Utaqqiisaasumik inissianut pequtinillu toqqorsivimmiitsinermut aningaasartuutit	1.843	575	265
Katillugit	1.843	1.245	265
2007-imut, 2008-mut 2009-mullu qaangiuttoornermusiassaqaartitsineq	1.117		
Sulisunik soraarsitsinermi akissarsiasatut akiligassat	224		

Atortorissaarutinit 2007-mi pisiarinqartunut taarsigassarsianut naafferartumik akiliutit	1.000	1.000
Taarsigassarsianut erniat	953	971
	971	960


KNR-ip aningaasaqarnera ukiuni arlalinni pissuanarfiusimavoq. Tamanna takussutissiami 1-imi ataaniittumi, ukiuni 2003-mit 2011-mut ingerlatsinermi angusani 2012 – 2015-imullu angusassatut naatsorsuutigineqartuni takuneqarsinnaavoq.



*Takussutissiaq 1. KNR-ip ukiuni 2003-mit 2011-mut ingerlatsinermi angusai 2012 -15-imullu angusassatut naatsorsuutigineqartut*

KNR-ip uningasuutinit tigusinnaatitaanermi annertuumik annertusarneqarneratigut 2007-imi atortorissaarutinit digitaliusunik nutaanik pisivoq. Aningaasartuutaavoq akilii-sinnaassutsimullu akornutaalluni, suliffeqarfiup aningaasaqarneranut ukioq 2024-ip tungaanut akornutaasussaq. 2011-mi erniat akiliutillu 2 mio. kr.-it missaanniipput. Nammineq aningaasaatit negativiusut ukiuni 2003-mit 2011-mut allanngoriartorneri 2012-imiillu 2015-imut naatsorsuutigineqartut ataani takuneqarsinnaapput.

## KNR Egenkapital 2003 - 15



*Takussutissiaq 2. KNR-ip nammineq aningaasaatai ukiuni 2003-mit 2011-mut 2012-imiillu 2015-imut naatsorsuutigineqartut*

Kukkunersuisut ukiut tullerit marluk erseqqissaatigaat KNR nammineq aningaasaatimigut ajornartorsiuteqartoq, nunatta karsia piffissap arlaatigut sullissivimmu immikkut illuinnartumik tapiissuteqanngippat tamatuma iluarsiviginiarneqarnissaa takujumi-naatsoq.

Kalaallit Nunaata Radioa 1958-imi pilersinneqarpoq, TV Danmarks Radiomit 4 mio. kr.-inik tarsigassarsinikkut 1982-imi aallartinneqarpoq, KNR-ilu 1996-imi nittartagartaarluni. Sulisut amerlanerpaaffigaat 1994, taamani sulisut 140-llutik. 2010-mi sulisut aalajangersimasumik atorfeqartut 109-iupput, 2011-milu sulisut aalajangersimasumik atorfeqartut 93-iullutik.



#### 4. NAMMINEQ AALLAKAATITASSIAT SUUSSUTSINUT AGGUATAARLUGIT

KNR-imi radiokkut tv-kkullu aallakaatitat tamaasa programmimut KNR-imut 1996-imi ineriartortinneqartumut nalunaarsorneqartarput, taassumalu atorneqarnera piffissatornartupilussuvoq. Allangortinneqartut imaluunniit peerneqartut tamaasa nalunaarsuiffinniiginnartarput, allannguutillu kolonnemi immikkoortumi allassimasarlutik. IT-mik suliffeqarfiup KNR sullillugu programmi taanna maanna nutarterpaa, tamatumalu radiomut tunngasortaa pitsaanerulissaaq.

<b>Nalunaarsuiffik 6. Radiomi tv-milu nammineq aallakaatitassiat nal. ak.-nngorlugit suussutsinullu agguataarlugit</b>			
	<b>Isumaqatigiissut 2011</b>	<b>Piviusunngortinneqartut 2011</b>	<b>Nikingassut</b>
<b>Aallakaatitassianik kalaallisoortunik allanik aallakaatitsineq</b>			
Radio	300	225	-75
Tv	18	30	+12
<b>Radiokkut nammineq aallakaatitassiat</b>			
Meeqqanut inuusuttunullu	154	191	+37
Eqqumiitsuliorneq kulturilu	1.406	1.487	+81
Nutaarsiassat pisullu pillugit	487	420	-67
Ilinniartitsineq	18	0	-18
Peqqinnissaq	21	1	-20
<b>Nal. ak. katillugit</b>	<b>2.086</b>	<b>2.099</b>	<b>+13</b>
<b>Tv-kkut nammineq aallakaatitassiat</b>			
Meeqqanut inuusuttunullu	38	17	-21
Eqqumiitsuliorneq kulturilu	73	131	+58
Nutaarsiassat pisullu pillugit	120	154	+34
Ilinniartitsineq	8	0	-8
Peqqinnissaq	19	0	-19
<b>Nal. ak. katillugit</b>	<b>258</b>	<b>302</b>	<b>+44</b>

Nalunaarsuiffimmi 6-imi nammineq aallakaatitassiat tassaapput aallakaatitassiat suliari-neqarsimasut, kisianni nutsikkat kalaallisuunngortitallu soorlu silassamik nalunaarutit

Lottolu ilaatinneqanngillat, naak taakku nutserneqarnissaat piffissatornarlunilu aqqissuisoqarnikkut paasisimasaqarfiginissaat pisariaqaraluartoq.



*Radioavisiimi aallakaatitsisartoq Carla Davidsen (Assiliisoq: Hans Jukku Noahsen)*

## **Radio**

KNR kiffartuussinissamik isumaqatigiisummi piunasaqaataasoq qaangerlugu radiominal. ak. 13-inik aallakaatitassiornerusimavoq.

'Aallakaatitassiat kalaallisoortut allat' ataanni nal. ak. 75-inik nikingassut freelancerit avataaneersut aallakaatitassiaannik, KNR-imi immiunneqarlutillu suliarineqartut suleqatigiinnikkut aallakaatitassiatut nalunaarsorneqartarnerinik peqquteqarpoq, taamaattumillu nammineq aallakaatitassiat ataanni allanneqarsimallutik.

KNR 'Meeqqanut inuusuttunullu' ataani piunasaqaatigineqartoq nal. ak. 37-inik qaangerlugu aallakaatitassiorsimavoq 'Eqqumiitsuliorneq kulturilul' ataanni nal. 81-inik qangiisimalluni, suussutsillu sinneruttut minnerpaaffiliussamik angusaqarfiunatik. Tamanna ullaap tungaani aallakaatitakkap 'Iterluarnaap' ualikkullu aallakaatitakkap 'Nunarput Ullumip' 'Eqqumiitsuliorneq kulturilul' ataanni nalunaarsorneqartarinerinik peqquteqarpoq, naak aallakaatitassiat taakku nutaarsiassanik, pisunik, ilinniartitsinermik peqqinnermullu tunngasunik imaqaraluartut.

## TV

KNR innuttaasunik kiffartuussinissamik isumaqatigiissummi minnerpaaffiliussatut piunasaqaatit nal. ak. 44-nik sinnerlugit TV-kkut aallakaatitassiorsimavoq, Nunatsinnilu aallakaatitassioortut avataaneersut tv-kkut aallakaatitassiaannik nal. ak. 11-nik amerlanerusunik aallakaatitsisimalluni.



*Aallakaatitassiornermi teknikerinnorniaq Dana Geisler meeqqanullu aqqissuisoq Dorthe Davidsen immiussisut (Assiliisoq: Ivalo Egede)*

Meeqqanut inuusuttunullu aallakaatitassianut piunasaqataasunit nal. ak. 38-inik sivikinnerusumik 2011-mi aallakaatitassioortoqarsimavoq. Meeqqanut aallakaatitassiat DR1-imeersut kalaallisut oqaalisimmik aallakaatitsivimmittoqarluni aallakaatitassiarineqartut, ullut tamaasa ataasinngornermit tallimangornermut minutsit tallimat miss. sivirususeqartut, ukiakkut aallakaatinneqartalersut, nalunaarsorsimaffimmut ilaatinneqangillat.

KNR TV 2011-mi aalajangersimasumik aallakaatittagai tassaapput

- TV-kkut nutaarsiassat 'Qanorooq'
- Unnukkat aallakaatitassiaq 'Tamassa' Katuamit toqqaannartumik
- Meeqqanut aallakaatitassiaq 'Upaluk Mikilu', ukiaq 'Pikkorissuaqqanit' taarserneqartoq
- Inuusuttunut aallakaatitassiaq 'Labrador' Kangian'

KNR 2011-mi 'Tamassa'-mik nal. ak. 52-inik aallakaatitassiorpoq 'Qanoruumillu' nutaarsiassanik nal. ak. 59-inik aallakaatitassiorluni.

Eqqumiitsuliornermik kulturimillu aallakaatitassiani isumaqatigiisummi piumasaqaa-taasumit nal. ak. 58-inik sivisunerusumik aallakaatitassiorpoqarsimavoq. Nutaarsiassanik pisunillu aallakaatitassiat piumasaqaataasunit nal. ak. 34-inik sivisunerupput.

Suussutsip 'Ilinniartitsineq' iluani aallakaatitassianik nalunaarsuisoqarsimanngilaq, aalla-kaatitassiali 'Eqqumiitsuliorneq kulturi'-p ataani nalunaarsorneqarsimasut ilarpassui tassaapput tv-kkut ilinniarfiusinnaasut. Tassaallutik aallakaatitassiat soorlu 'Kalaallisuu-liornermik Ilinniarfik', assasorneq pillugu aallakaatitassiaq. Tamanna suussutsimut 'Peqqinnissaq'-mut aamma atuuppoq, unukkummi aallakaatitassiap 'Tamassa'-p immikkoortui arlallit peqqinnissaqarfik suleqatigalugu aallakaatitassiarineqarput.



*Tamassami aaqqissuisoq Augusta Jeremiassen aqutsisorlu Brian Christiansen containerimit aallakaatitsisut (Assiliisoq: Hans Jukku Noahsen)*

### **Aallakaatitassiornermik avataaneersunit pisiortorneq**

KNR 2011-mi aallakaatitassiornermik avataaneersunit radiokkut aallakaatitassianik katillu-gu nal. ak. 282-inik tv-kkullu aallakaatitassianik nal. ak. 4.280-inik aallakaatitassiornermik avataaneersunit pisiortorsimavoq.

## 5. KNR-IP AALLAKAATITASSIAANI OQAATSIT AGGUATAARNERI

Nalunaarsuiffik 7. 2010-mi radiomi tv-milu nalunaaquttap akunneri oqaatsinut agguataarneri				
Radiokkut Aallakaatitassiat	Nal. ak. Aallakaateqqaarneri	Nal. ak. aallakaateqqinnertallit	Aallakaateqqinnertallit %-nngorlugit	
Kalaallisut	1824	5491	82,4	
Kalaallisut/danskisut	801	821	12,3	
Danskisut	286	338	5,1	
Tuluttut	9	10	0,2	
Katillugit	2920	6660	100,0	
TV-kkut Aallakaatitassiat	Nal. ak. Aallakaateqqaarneri	Nal. ak. aallakaateqqinnertallit	Aallakaateqqinnertallit %-nngorlugit	
Kalaallisut	315	527	10,4	
Kalaallisut/danskisut	16	296	5,8	
Danskisut	4234	4239	83,7	
Katillugit	4565	5062	100,0	

Malugiuk pilersaarutit, allagartat, 'qilanaartuutit', 'bufferit', unikkallarnermi nipilersukkat unikkallarnermilu assit nalunaarsuiffimmut 7-imut ilaatinneqanngimmata.

### Radiomi oqaatsit atorpeqartut

KNR radiomi 2011-mi aallakaatitassiat katillugit nal. ak. 8.600-it nalunaarsorneqarsimapput, ukioq naallugu ulloq unnuarlu nal. ak. 23,56-it assigalugit. 2011-mi nipilersukkat nal. ak. 1.500-t miss. aallakaatinneqarsimapput.

Radiokkut aallakaatitassiat, kalaallisut/danskisut nalunaarsorneqarsimasut, aallakaatitat 12,3 %-eraat, aallakaatitassiali taakku kalaallisujunerullutik. Danskisut oqaasii aallakaatitat 5 %-it missaannaani atorpeqarput. Tuluit oqaasii aasaaneraniinnaq atorpeqartarput, piffissami tassani silamik nalunaarut tuluttut aallakaatittarlutigu.

### TV-mi oqaatsit atorpeqartut

TV-mi aallakaatitat 16,2 %-ii kalaallisut oqaasertarput. Taakkununga ilaapput aallakaatitassiat marlunnik oqaaseqarfiusut, kalaallisut danskisullu, amerlanersaalli tassaapput kalaallisut aallakaatitassiat danskisut ataatigut allagartalersukkat. KNR-ip nammineq aallakaatitassiaasa ilaat ikittuaqqat danskisuinnaq aallakaatinneqartarput kalaallisuunngorlugillu immikkut aallakaatinneqartarlutik.



*Radiop aallakaatitsiviani anginnermi teknikkeqarfik (Assiliisoq: Hans Jukku Noahsen)*

## INGERLATSINERMUT ANINGAASARTUUTINIT TAMARMIOUSUNIT AKISSARSIANUT ATORNEQARTUT

Ingerlatsinermut aningaasartuutinit tamarmiusunit akissarsianut atorneqartut aningaasqarnikkut aningaasartuutit ilanngullugit kiisalu taarsigassarsianut akiliutit 1 mio. kr.-iusut Nalunaarsuiffimmi 8-mi ataaniittumi atuarneqarsinnaapput.

**Nalunaarsuiffik 8. Ingerlatsinermut aningaasartuutinit tamarmiusunit akissarsianut atorneqartut 1000. kr.-nngorlugit**

<b>Akissarsiat</b>	<b>Ingerlatsinermut aningaasartuutit tamarmiusut</b>	<b>%</b>
46.191	67.732	68, 2

ERROR: undefined  
OFFENDING COMMAND: f'~

STACK: